

BOSNA I HERCEGOVINA
FEDERACIJA BOSNE I HERCEGOVINE
UNSKO SANSKI KANTON
GRAD BIHAĆ
Služba za upravljanje lokalnim razvojem
Savjet za ekonomski razvoj Grada Bihaća
Broj: 07/4 – 05 – SI/17
Bihać, 20.11.2017.g.

ZAPISNIK
sa 9. sjednice Savjeta za ekonomski razvoj Grada Bihaća

9. sjednica Savjeta za ekonomski razvoj Grada Bihaća, održana dana 21.11.2017.g. /utorak/ s početkom u 13,00 sati u prostorijama Gradske uprave-kabinet Gradonačelnika-Salon.

TEMA
Diskusija o parafiskalnim naknadama i komunalnim taksama na području Grada Bihaća

D N E V N I R E D

1. Pozdravne i uvodne riječi domaćina (predstavnik Grada Bihaća)
2. Predstavljanje kampanje: Zagovaranje za smanjenje ili ukidanje parafiskalnih naknada (predstavnik NBR/LiNK);
3. Uvodno izlaganje: Parafiskalne naknade i predstavljanje registra parafiskalnih naknada (Goran Dodig, konsultant)
4. Diskusija o parafiskalnim naknadama i komunalnim taksama na području Grada Bihaća;

Dana 21.11.2017. u prostorijama Grada Bihaća, s početkom u 13.00h održana fokus grupa na temu „Parafiskalni nameti – prijedlozi i preporuke za smanjenje ili ukidanje“. Događaju su prisustvovali predstavnici Grada Bihaća, predstavnici privatnog sektora Grada Bihaća, te predstavnici organizacija civilnog društva

Prisutnima se obratio gradonačelnik Grada Bihaća, gosp. Šuhret Fazlić, koji je pozdravio prisutne i izrazio zadovoljstvo suradnjom sa Udruženjem LiNK, kao i zajedničkim inicijativama za poboljšanje poslovnog okruženja. Naglasio je da se mora naći način da se smanje parafiskalni nameti. Smatra da se komunalna taksa mora smanjiti, a smanjenjem će se povećati i procenat naplate. Također je naveo primjer gdje su troškovi tehničkog prijema poslovnih objekata već smanjenji. Na kraju je apelirao na prisutne da zajedničkim radom dođemo do argumenata koji će mu pomoći da brani prijedlog za smanjenje komunalne takse.

Konsultant, gosp. Goran Dodig, prezentirao je parafiskalne naknade i registar parafiskalnih naknada.

U uvodu je pohvalio transparentnost rada koja je prisutna na web stranici Grada Bihaća. Nakon toga je predstavio registar parafiskalnih nameta, ali zbog nepostojanja internet konekcije nije mogao i pokazati prisutnima kako izgleda. Pozvao je sve da posjete web stranicu platforme www.poslovnookruzenje.ba. Naglasio je problem visokih iznosa taksa i naknada koje se plaćaju u BiH i naveo primjer Zapadnohercegovačkog kantona gdje novi poduzetnici svoja poduzeća registriraju u Republici Hrvatskoj, jer je jeftinije i stoga je apelirao da se radi na smanjenju taksa i nameta kako gore pomenuto ne bi postalo praksa. Također je naglasio da postoje djelatnosti koje FBiH potiče, a općine/gradovi kažnjavaju i da se informacije o tome mogu naći u registru.

Nakon izlaganja gosp. Dodiga prestavnici Grada Bihaća su ukratko predstavili komunalnu naknadu i administrativne takse koje se naplaćuju u gradu Bihaću, te iznose uporedili sa iznosima koji se naplaćuju u drugim općinama i gradovima i došli do zaključka da samo Grad Cazin ima nižu visinu komunalne naknade od Grada Bihaća, a svi ostali višu. Kad su u pitanju administrativne takse gosp. Lipovača je izjavio da čak postoji prostor da se povećaju takse koje se odnose na djelatnosti kao što su igre na sreću, a koje su u Giljotini propisa smanjene.

Nakon izlaganja predstavnika gradske uprave uslijedila je interaktivna diskusija o parafiskalnim nametima u Gradu Bihaću. Stav preduzetnika iz Grada Bihaća jeste da je određene namete potrebno smanjiti, a neke čak i ukinuti, kako bi se smanjio pritisak na poduzetnike, te poboljšalo poslovno okruženje u BiH, koje je trenutno jako loše.

Zaključak:

Generalni zaključak je da će Grad Bihać pristupiti Registru i na taj način koristiti bazu podataka kako bi što bolje kreirali prijedloge za nakande za sve vrste djelatnosti.

Zajedno sa privrednicima će se izvršiti analiza postojećih nakanada i napraviti nacrt kako bi se došlo do kvalitetnih rješenja.

Izvršit će se umanjenje komunalnih naknada, ali tako da ne ugrozi izvršenje Programa zajedničke komunalne potrošnje.

Izvršit će se korigiranje administrativnih taksa tako što će se korektnije razrezati za djelatnosti kao što su igre na sreću i teleoperateri.

PREDSJEDNIK SAVJETA ZA
EKONOMSKI RAZVOJ GRADA BIHAĆA
mr.sci. Smail Nuhić, dipl.ing.